

## Ágætu félagar:

Félagsfundir gerast nú tíðir og ber brýna nauðsyn til. Erindi þessa bréfs er að boða til félagsfundar laugardaginn 19. feb. kl. 14.00. Að síðasta félagsfundi var samþykkt svohljóðandi tillaga:

"Fundurinn samþykkir að fresta afgreiðslu allra tillagna til félagsfundar næsta laugardag. Fundurinn verði boðaður skriflega og tillögur sendar út með fundarboði."

Þær tillögur sem hér um ræðir eru eftirfarandi:

1. Tillaga Ingibjargar Hafstað svohljóðandi: Félagsfundur Kvennaframboðsins í Reykjavík haldinn 12. feb. 1983, samþykkir að gefa þeim konum sem áhuga hafa, umboð til að vinna að framboði kvenna til alþingis í nafni Áhugahöps innan Kvennaframboðsins. Áhugahöpur um framboð skili áliti að þremur vikum liðnum.

2. Tillaga frá Helgu Jóhannsdóttur og Þórhildi Þorleifsdóttur: Kvennaframboðið í Reykjavík samþykkir að halda opinn fund á Hótel Borg fljótlega til þess að kanna almenna afstöðu til kvennalista við alþingiskosningarnar nú í vor.

Bessar tillögur hafa nú verið dregnar til baka.

*Þessi tillaga var næst. 19. febr. ósíðit breytt*

3. Tillaga frá Ingibjörgu Sólruðu Gísladóttur, Magdalenu Schram og Elísabetu Guðbjörnsdóttur svohljóðandi: Tillaga að ályktun:

Vegna óljósra fréttta af félagsfundi Kvennaframboðsins í Reykjavík laugardaginn 5. febrúar sl. vilja samtökin taka fram eftirfarandi:

Félagsfundur, sem er aðsta vald í málefnum Samtaka um Kvennaframboð, tók þá ákvörðun eftir langvarandi umræður að samtökin sem slík myndu ekki standa að framboði til alþingis í komandi kosningum. Þessa ákvörðun samtakanna ber hins vegar ekki að túlka sem svo að þau hafni þingframboði sem hugsanlegri leið í baráttunni fyrir bættri stöðu kvenna í þjóðféluginu. Þingframboð er ein af þeim leiðum sem til álita koma en það getur aldrei verið markmið í sjálfu sér. Samtökin vilja minna á að markmið þeirra er að:

- auka áhrif kvenna í samfélaginu.
- vekja umræðu um stöðu kvenna.
- stuðla að því að viskufordi og jákvæð reynsla kvenna verði nýtt í þágu betra þjóðfélags.
- berjast fyrir heimi þar sem konur, karlar og börn standa jafnt að vígi, þar sem menning beggja kynja fær að njóta sín og kynferði hindrar engann í að sinna þeim störfur sem hugur stefnir til.
- að standa að baki þeirra fulltrúa sem ná kjöri til borgarstjórnar af lista Kvennaframboðsins.

Þessum markmiðum hyggjast samtökin ná eftir ýmsum leiðum og á þeim starfsvettvangi sem þeim hentar hverju sinni. Að svo stöddu munu samtökin beina

kröftum sínum að vettvangi borgarmála þar sem þau hafa tekið á sig ábyrgð og skyldur og að utanþingsbaráttu, en þar munu þau leitast við að sameina konur um land allt til baráttu fyrir brýnustu hagsmunamálum kvenna og barna án tillits til afstöðu þeirra í landsmálum öðrum.

*Weytt* (Að lokum vilja samtökum taka það fram að þó þau ætti sér ekki að standa að kvennaframboði í komandi alþingiskosningum þá telja þau að ekki megi útiloka að slíkt framboð komi fram.)

Pessi tillaga er nú til endurskoðunar.

Dagskrá félagsfundarins 19. febrúar lítur því þannig út:

1. Ályktun um fréttatilkynningu vegna niðurstöðu félagsfundar 5. feb. (um framboð til alþingis)
  2. Umræður um tillögur Magdalenu Schram o.fl. í 20 liðum um framtíðarstarf. Einkum verður rætt um aðgerðir á næstunni s.s. 8. mars og borgarmálablað.
  3. Umræður um álit landsmálahópa sem frestað var á tveimur síðustu félagsfundum, einhvernveginn verður að afgreiða þennan lið.
- Meiningin er að bjóða upp á eitthvað gott með kaffinu, ræða í hópum og hleypa gleði og hreinu lofti inn í hótel Vík eftir óveðrið að undanfómu. Þá veitir sko ekki af að hressa upp á húsnæðið með skúringafötu, klút og skrúbb.

A næstunni:

22. feb. verður fundur í Borgarmálaráði Kvennaframboðsins, en þeir eru alltaf síðasta þriðjudag í hverjum mánuði.

5. mars verður félagsfundur svo sem lög segja til um, þar eiga að fara fram kosningar í nefndir o.fl.

Vonandi er enginn orðinn fundapreyttur, því nóg er að gera hvaða leið sem við konur veljum í kvennabaráttunni.

Astarkveðjur frá

Framkvæmdaneftnd.